

tres Planetae, semper cum eodem etiam circumvolvuntur, & quasi virtutibus Solaribus circumtrahantur, retinentes semper Solem motus sui centrum, & cum eodem per viam Solarem ascendentes & descendentes. Inter ea etiam proprium suum motum, in propriis suis Circulis, & Sphaeris conficiunt, & destinatos sibi limites, & cursuum suorum definitum tempus observant, incredibili isto Primi mobilis raptu liberi, & tanta tot Epicyclorum farragine ignari. Ut autem Mercurius & Venus suos Circulos extra Terram constitutos habent: Ita è contrario hi tres Circuli ipsam Terram inclusam ita circumvult, ut non solum motu Solari, sed etiam suo proprio circum circa Tellurem & Lunam ferantur, cum duo illi Solis Satellites Venus & Mercurius proprio suo motu Solem tantum ambiant, & solo Solari Motu circum Terram circumplantur. Mars infimus ex tribus Superioribus quandoque Solis Coelum seu Sphaeram ingreditur, & totum illud de Sphaeris solidis figmentum tollit, ut in sequenti Schemate latius declarabitur. Suprà Martem Jupiter Erronibus suis quatuor stipatus, Circulum suum à Diurno Solis Motu quotidie abreptus proprio suo Motu pererrat. Idem facit Saturnus suprà Jovem Circulum sibi destinatum per-

Mars Solis
Coelum in-
greditur.

means, interea dum Diurno Motu Solem Regem suum comitatur.

SYSTEMA PLANETARUM SOLEM HUC DESCENDENTEM COMITANTUM. MARS: MARTIS CIRCULUS. JUPITER: JOVIS CIRCULUS. SATURNUS: SATURNI CIRCULUS. Systematis Planetarii cum Sole ipsique Planetis, atque eorum circulis superius expressi, & ante oculos positi adumbratio hæc est, ostendens, quod idem Systema pari modo se habeat, cum Sol per Zodiacum descendendo ad terminum suum Australem pervenit, quemadmodum se habet, cum ascendendo terminum suum Borealem attingit; adeo ut facile ex toto hoc Systemate pateat, Solem proprio suo motu circumactum circa Terram, ceterorum quinque Planetarum perpetuo comitatu circumdatum esse, & Terram Lunæ, Solis, & Firmamenti, Solem verò Systematis Planetarii centrum existere.

FIRMAMENTUM CUM ZODIACO, & ceteris Stellaris Fixis Systema hoc claudit, & reliquis Sphaeras fictas, ut utramque Crystallinam, & Primi Mobilis Sphaeram, tanquam inania figmenta, rejicit.

